



Na osnovu člana 2.9 stav (1) tačka 9. i člana 5.29 i 5.29a, a u vezi člana 10.1 stav (3), člana 10.6 stav (2), člana 11. stav (2) i 11.6 stav (2) Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), kao i člana 224. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13, 40/16 i 53/16) odlučujući po žalbi broj: 01-07-230/22 od 24.10.2022. godine političkog subjekta SDP-Socijaldemokratska partija Bosne i Hercegovine na odluku Centralne izborne komisije Bosne i Hercegovine broj: 05-1-07-1-2317-1/22 od 22.10.2022. godine, Centralna izborna komisija Bosne i Hercegovine u postupku dodjele kompenzacijskih mandata za Predstavnički dom Parlamenta Federacije Bosne i Hercegovine i Narodnu skupštinu Republike Srpske je na 70. sjednici, održanoj 25.10.2022. godine, donijela

O D L U K U

o I izmjeni Odluke broj: 05-1-07-1-2317-1/22 od 22.10.2022. godine o utvrđivanju i objavljivanju rezultata Općih izbora u Bosni i Hercegovini 2022. godine

(1) Uvažava se žalba političkog subjekta SDP-Socijaldemokratska partija Bosne i Hercegovine i od utvrđenih rezultata u Odluci broj: 05-1-07-1-2317-1/22 od 22.10.2022. godine o utvrđivanju i objavljivanju rezultata Općih izbora u Bosni i Hercegovini 2022. godine dio tabelarnog prikaza za Predstavnički dom Parlamenta Federacije Bosne i Hercegovine (kompenzacijski mandat) se mijenja i glasi:

- za političkog subjekta SDP-Socijaldemokratska partija Bosne i Hercegovine, 3. kompenzacijski mandat kandidatkinje Esme Hasanbašić (Bošnjakinja) iz izborne jedinice 2-nivo 402 dodjeljuje se kandidatu istog političkog subjekta iz izborne jedinice 5- nivo 405 Senad Subašić (Bošnjak).

(2) Za izborni nivo Narodna skupština RS u Odluci broj: 05-1-07-1-2317-1/22 od 22.10.2022. godine o utvrđivanju i objavljivanju rezultata Općih izbora u Bosni i Hercegovini 2022. godine dio tabelarnog prikaza (kompenzacijski mandat) se mijenja i glasi:

a) za političkog subjekta Savez nezavisnih socijaldemokrata-SNSD-Milorad Dodik, kompenzacijski mandat kandidatkinje 5. Mare Granula (Srpkinja) iz izborne jedinice 4- nivo 304 dodjeljuje se kandidatkinji istog političkog subjekta iz izborne jedinice 3- nivo 303 Anja Ljubojević (Hrvatica),

b) za političkog subjekta PDP-Partija demokratskog progresa, kompenzacijski mandat kandidatkinje 5. Marine Blagojević (Srpkinja) iz izborne jedinice 8-nivo 308 dodjeljuje se kandidatkinji istog političkog subjekta iz izborne jedinice 1- nivo 301 Diana Čekić (Hrvatica),

c) za političkog subjekta Pokret za državu, kompenzacijski mandat kandidatkinje 1.Amine Kavazović (Bošnjakinja) dodjeljuje se kandidatkinji istog političkog subjekta iz izborne jedinice 4-nivo 304 Andrea Gajić (Hrvatica) i

d) za političkog subjekta Demokratski savez-DEMOS, kompenzacijski mandat kandidata 2.Borana Bosančića (Srbin) iz izborne jedinice 3- nivo 303 dodjeljuje se kandidatkinji istog političkog subjekta iz izborne jedinice 1- nivo 301 Suzana Gašić (Hrvatica),

(3) U ostalom dijelu Odluka o utvrđivanju i objavi rezultata Općih izbora u Bosni i Hercegovini 2022. godine i Tabela pregled o rezultatima glasanja ostaju nepromijenjeni.

Ova odluka se objavljuje 25.10.2022. godine na internet stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena učesnicima iz stava (1) i (2) ove odluke.

O b r a z l o ž e n j e

Nakon objave Odluke broj: 05-1-07-5-2317-1/22 od 22.10.2022. godine o utvrđivanju i objavljivanju rezultata Općih izbora u Bosni i Hercegovini 2022. godine, politički subjekt SDP-Socijaldemokratska partija Bosne i Hercegovine je uložio žalbu broj: 01-07-230/22 od 24.10.2022. godine jer nije postupljeno po čl. 9.7 Izbornog zakona BiH, a kojim se reguliše dodjela kompenzacijskih mandata, tj. pripadajuća 4 kompenzacijska mandata za Parlament FBiH nisu dodjeljena u skladu sa redoslijedom kompenzacijske liste koju je SDP dostavila, pa su tako dodijeljeni mandati kandidatima koji se nalaze na rednim brojevima 2,3,5 i 7, umjesto kandidatima na rednim brojevima 2,3,4 i 5. i to kako slijedi: 1. Lani Prlić, 2. Ivanu Bobanu, 3. Senadu Subašiću i 4. Esmi Hasanbašić, te da se donese Odluka kojom će se na jasan, transparentan i zakonom utemeljen način osigurati izbor nedostajućih članova iz reda jednog od konstitutivnih naroda, a koja će biti jednaka za svaki izborni ciklus.

Centralna izborna komisija Bosne i Hercegovine, je uvažavajući žalbene navode, a postupajući po zakonskim odredbama koje se odnose na kompenzacijske mandate, u skladu sa članom 10.1 stav (3) i članom 10.6 stav (2) Izbornog zakona BiH i uvidom u ovjerene kandidatske liste i ovjerene Izjave (član 4.19 Izbornog zakona BiH) o pripadnosti konstitutivnom narodu, izvršila preraspodjelu kompenzacijskih mandata za Paralament FBiH, nakon čega su nastupile promjene u dodjeljenim kompenzacijskim mandatima za kandidate ovog političkog subjekta, koje Centralna izborna komisija BiH utvrđuje u stavu (1) ovom odlukom.

Odredbama člana 10.1 stav (3) Izbornog zakona BiH propisano je da najmanje četiri člana svakog konstitutivnog naroda bit će zastupljeno u Predstavničkom domu Paralamenta FBiH.

Članom 10.6 stav (2) Izbornog zakona BiH je propisano da ukoliko svaki od konstitutivnih naroda ne osvoji minimalni broj od četiri mandata, naknadni kompenzacijski mandati se dodjeljuju kandidatu relevantnog naroda sa kompenzacijske liste političke stranke ili koalicije koja je osvojila naveći broj glasova i koja na listi ima još kvalificiranih kandidata iz relevantnog naroda.

Nadalje, Centralna izborna komisija Bosne i Hercegovine, postupajući po zakonskim odredbama koje se odnose na kompenzacijske mandate, u skladu sa članom 11.1 stav (2) i članom 11.6 stav (2) Izbornog zakona BiH i uvidom u ovjerene kandidatske liste i ovjerene Izjave (član 4.19 Izbornog zakona BiH) o pripadnosti konstitutivnom narodu, izvršila preraspodjelu kompenzacijskih mandata za Narodnu skupštinu RS, nakon čega su nastupile promjene u dodjeljenim kompenzacijskim mandatima za kandidate političkih subjekata, koje Centralna izborna komisija BiH utvrđuje u stavu (2) ovom odlukom.

Odredbama člana 11.1 stav (2) Izbornog zakona BiH propisano je da najmanje četiri člana svakog konstitutivnog naroda bit će zastupljeno u Narodnoj skupštini Republike Srpske.

Članom 11.6 stav (2) Izbornog zakona BiH je propisano da ukoliko svaki od konstitutivnih naroda ne osvoji minimalni broj od četiri mandata, naknadni kompenzacijski mandati se dodjeljuju kandidatu relevantnog naroda sa kompenzacijske liste političke stranke ili koalicije koja je osvojila najveći broj glasova i koja na listi ima još kvalificiranih kandidata iz relevantnog naroda.

Pravna pouka: Protiv ove Odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke. Žalba se podnosi putem Centralne izborne komisije Bosne i Hercegovine i dostavlja se isključivo putem faks aparata, na broj: 033/ 251-329, elektronskom poštom na e-mail adresu zzov@izbori.ba ili neposredno u sjedište Centralne izborne komisije Bosne i Hercegovine, ulica Danijela Ozme 7 Sarajevo.

Broj: 05-1-07-1-2317-13/22
Sarajevo, 25.10.2022. godine

